


金母心經

風陵文庫
文庫19
F310



香讚

爐香乍爇法界蒙熏諸佛
海會悉遙聞隨處結祥雲
誠意方殷諸佛現金身
南無香雲蓋菩薩摩訶薩

南無祇園會上佛菩薩

三稱
三叩

啟經讚

唵嘛哆唎呵正氣繞眉窩
色相歸虛極嗔情化碧羅
恍惚杳冥際涅槃滅度多

眾生入斯境破出苦娑婆

金母寶誥

瑤池上宮清淨闕內闡大
道於混沌宣至德於宇宙
一氣調和參贊有賴億劫

啟迪仙真是依開正覺路
振萬代之聾聵撐大願船
解十方之苦難高證妙果
無量度人大仁大聖至上
至尊

無上瑤池開種首運金母
逍遙清淨佛王金盤收種
昇平國運大慈尊

三稱九叩

開經偈

蕩蕩金母經降諭諸凡塵

開眾生覺路誠度世金鍼
大道久不彰人心竟沉淪
今得此一助一髮重千鈞
誠心勤捧誦引領達蒼穹

金母心經

人生天地間不離心與性
心性得光明而後可立命
宿孽可以除物欲可以淨
今日遭死劫非死於劫運

死者不知由實先死心性
人能審乎此方得道之徑
僅虛立形骸終歸於無用
三寶無形損魔乘勢而進
借勢以縱橫禽獸幾希近

傾命並喪身長抱無窮恨
特為說斯經喚醒其迷性
金盤諸種子趕同證清淨
擺開娑婆苦脫開生死境
天榜永標名極樂鄉何幸

奈世之孽種輒獲罪神聖
妄言以闢之逞一時之興
幾乎後學者使失其門徑
幸大地眾生尚屬緣未盡
正值劫三期天代轉其運

普度門大開引人同入勝
時乎不可失龍華會共證
化象留神具癡欲行深勁
骨節三六通週天一轉運
得哉樂天真失哉如弱病

雷震風動時急急如律令
有有無無 若實若虛
光明閃爍 道貫天衢
無上瑤池金母逍遙清淨
佛救世大慈尊

三稱九叩

